

**BOSNA I HERCEGOVINA**  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

**Zakonodavno-pravna komisija**

Broj: 02/2-02-9-132/16  
Sarajevo, 27. 1.2016. godine

**DOMU NARODA**  
**PARLAMENTA FEDERACIJE BiH**

Zakonodavno-pravna komisija Doma naroda Parlamenta Federacije Bosne i Hercegovine na 6. sjednici, održanoj 27. 1.2016. godine, razmatrala je:

1. Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala - skraćeni postupak,
2. Prijedlog zakona o energijskoj efikasnosti u Federaciji Bosne i Hercegovine,
3. Prijedlog zakona o komasaciji,
4. Prijedlog zakona o porezu na dobit,
5. Nacrt zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine,
6. Nacrt zakona o izmjenama i dopunama zakona o zaštiti od nasilja u porodici,
7. Tekuća pitanja;
  - Pravilnik o postupku izbora, ocjenjivanja i razrješenja direktora i zamjenika direktora Federalne uprave policije.

U skladu sa članom 51. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći:

**I Z V J E Š T A J**

**1. Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala - skraćeni postupak,**

U općem pretresu Komisija je utvrdila da je ustavni osnov za donošenje ovoga zakona sadržan u odredbi tačke c ) Amandmana VIII na Ustav Federacije BiH, prema kojoj je u isključivoj nadležnosti Federacije Bosne i Hercegovine utvrđivanje ekonomske politike, i članu IV A. 20 ( 1 ) d ) Ustava Federacije Bosne i Hercegovine, prema kojoj je Parlament Federacije BiH odgovoran za donošenje zakona u vršenju funkcije Federalne vlasti.

**Komisija podržava razmatranje i donošenje Zakona po skraćenoj proceduri.**

## **2. Prijedlog zakona o energijskoj efikasnosti u Federaciji Bosne i Hercegovine**

U općoj raspravi Komisija je utvrdila da postoji Ustavni osnov za donošenje Zakona o energijskoj efikasnosti sadržan u odredbi III.1.tačka f.), koji je izmjenjen amandmanima VIII, LXXXIX i CVI Ustava Federacije Bosne i Hercegovine prema kojoj je propisana isključiva nadležnosti Federacije u 31 utvrđivanju energijske politike, uključujući raspodjelu između kantona, te osiguranje i održavanje potrebne infrastrukture.

## **3. Prijedlog zakona o komasaciji,**

U općem pretresu Komisija je utvrdila da postoji Ustavni osnov za donošenje zakona koji je sadržan u odredbi člana III.1. tačka d), a koji je izmijenjen amandmanima VIII. Tačka c) na Ustav Federacije Bosne i Hercegovine i člana IV.A.20.1 tačka d) Ustava Federacije Bosne i Hercegovine. Prema tim odredbama u isključivoj nadležnosti Federacije je utvrđivanje privredne politike, uključujući planiranje i obnovu, te politika korištenja zemljišta na federalnom nivou, a parlament Federacije, uz ostale nadležnosti predviđene Ustavom, odgovoran je za donošenje zakona o izvršavanju federalne vlasti.

## **4. Prijedlog zakona o porezu na dobit**

U općem pretresu Komisija je utvrdila da je Ustavni osnov za donošenje ovog zakona sadržan u članu III.1. tačka c), koji je izmijenjen Amandmanima VIII, LXXXIX i CVI, i člana IV.A.20.(1) j) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona kojima se razrezuje porez ili na drugi način osigurava potrebno finansiranje.

## **5. Nacrt zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine**

U općem pretresu Komisija je utvrdila da postoji Ustavni osnov za donošenje ovoga Zakona sadržan u članu III. 1. tačka g), koji je izmjenjen amandmanima VIII, LXXXIX i CVI, i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije utvrđivanje energetske politike, uključujući raspodjelu između kantona, te osiguranje i održavanje potrebne infrastrukture, a Parlament Federacije, uz ostala ovlaštenja predviđena Ustavom, odgovoran je za donošenje zakona o obavljanju dužnosti federalne vlasti.

## **6. Nacrt zakona o izmjenama i dopunama zakona o zaštiti od nasilja u porodici.**

U općem pretresu Komisija je utvrdila da postoji Ustavni osnov za donošenje ovog zakona sadržan u odredbama člana IV. A. 20. (1) d) Ustava Federacije Bosne i Hercegovine. Naime, prema odredbama članka IV. A. 20. (1) d) Ustava Federacije BiH, Parlament Federacije BiH

nadležan je za donošenje zakona o vršenju funkcije federalne vlasti, iz čega proizilazi da navedena odredba predstavlja ustavni osnov za njegovo donošenje.

## **7. Tekuća pitanja;**

### **- Pravilnik o postupku izbora, ocjenjivanja i razrješenja direktora i zamjenika direktora Federalne uprave policije**

Komisija je u skladu sa članom 63. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14), koji utvrđuje da Nezavisni odbor uz saglasnost radnih tijela Parlamenta Federacije nadležnih za sigurnost i zakonodavno-pravne poslove donosi pravilnik kojim se bliže uređuje način rada i postupanja Nezavisnog odbora u vezi s obavljanjem poslova iz člana 51. ovog Zakona, na održanoj sjednici jednoglasno dala saglasnost na Pravilnik o postupku izbora, ocjenjivanja i razrješenja direktora i zamjenika direktora Federalne uprave policije.

**PREDSJEDNIK KOMISIJE**

Jasenko Tufekčić, s.r.